


zдалujo so prózdnych nowotnych słowow a napřećiwjenjow njeprawje tak mjenowaneje wědomosće,**

21. Ke kotrejž někotři so přiznawajey, wot wěry wotpadnychu. Milosć (budź) z tobu. Amen.



DRUHI LIST S. JAPOŠTOŁA PAWOŁA NA TIMOTHEA.

STAW I.

Džakuje so Bohu Timotheoweje wěry dla, kotruž z njebojaznym předowanjom rozšěrjeć kaza. Khrystus zniči smjeré a wuzwoli Pawoła jako wučerja pohanow, kotremuž myto zakhowa, jeho džělam přisłušne. Praji, zo su jeho wšitey Asisecy wopušćili a khwali Onesiforowu swójbu, dokelž je wot njeje wjele dobrotow dóstał.

Pawoł, japoštoł Khrystusa Jězusa, přez wolu Božu k slubjenju žiwjenja, kotrež je w Khrystusu Jězusu,*

2. Timotheej, najlubšemu synej: Hnada, smilnosć, pokoj wot Boha Wótea a Khrystusa Jězusa, našeho Knjeza.

3. Džakuju so Bohu, kotremuž služu wot prjedownikow w čistym swědomju, zo bjez přestaća na tebje spominam we swojich próstwach w nocy a wodnjo,*

4. Žadajo tebje wohladać, wopominajo

twoje sylzy, zo bych z radosću napjel-njeny był,

5. So dopomniwši na tu wěru, kotraž je we tebi njetajena, a kotraž přebywaše najprjedy w twojej wowcy Loidže a w twojej maćeri Eunicy, wěsty pak sym, zo tež we tebi.*

6. Z teje přičiny napominam tebje, zo by zaso zbudził hnadu Božu, kotraž je we tebi přez napoloženje mojeju rukow.*

7. Přetož Bóh njeje nam dał ducha bojósće, ale mocy a lubosće a strózwosće.*

Rom. 8, 15.

8. Njehańbuj so tohodla swědčenja našeho Knjeza, ani mje, jeho jateho; ale ćerp sobu za ewangelium po mocy Boha,*

9. Kiž je nas wumóžil a powolał ze swojim swjatym powolanjom, nic po našich skutkach, ale po swojej radže a mi-

20** Falšni wučerjo wužiwaju nowe słowa, ale te woznamjenjeju najbóle tež nowu wěc, a tak kaža cyrkwinu wučbu a mjenuja to, štož sami wuča, wědomosć, štož je rjenje klinčace słowo, kotrež woni bjez prawa na swoju wučbu naložuju. Pod mjenom „wědomosć“ abo po greksku „gnosis“ (spóznaće) nastachu wšelake falšne wučby, kotrež křescanske wěrnosće z pohanskimi bludami a ze židowskimi wučbami měšachu. Kotřiž křescansku wěrnosć zapřewši, do tychle wučbow wěrjachu, rěkachu gnostikowje.

I. 1. t. r. zo bych čłowjekam wopowědował slubjene wěčne žiwjenje, kotrež móža sebi dobyć přez wěru do Jězusa Khrystusa. — 3. Wot swojich prjedownikow spóznač wěrneho Boha a prócowach so po najlepšim wědženju jemu služić; tež wěriwych přesěhajo myslach sebi, zo Bohu prawje služu. — 5. Pawoł džakuje so Bohu za njetajenu wěru, kotruž je Timotheus wot wowki a maćerje dóstał a ma wulku žadosć za nim, dokelž sylzy Timothea při džělenju dopokazachu, kak jara jeho lubuje. — 6. Snadž bě Timotheus w horliwosći trochu woliwknył abo běše małomyslny; Pawoł dopomina jeho na hnadu Ducha swjateho, kotruž bě w swjećiznje dóstał. — 7. Duch swjaty, kotryž so w měšniskej swjećiznje wudžěla, njećerpi bojósć, ale podawa sylnosć, z kotrejž so njeprěćelajo wěry přemóža, a lubosć, z kotrejž měšnicy ze sebjezapřecom za wěčnu zbóžnosć bližšeho so staraju, a strózwosć, z kotrejž přěćelam a njeprěćelam dobry přikład dawaju. — 8. Njehańbuj so, za Jězusa Khrystusa swědčenje dawać, t. r. jeho wučbu rozšěrjeć, a tež mje so njehańbuj, runjež sym nětko jaty; přetož sym jaty Khrystusowy a ćerpju za swjatu wěc; skutkuj ze mnu za rozšěrjenje ewangelia, dokelž k tomu bu tebi móc data w měšniskej swjećiznje, zo by tež ćerpjeł při rozšěrjenju ewangelia, jako ja.